



00 ханог тутмын хэвлэл
оны 08 дугаар сарын 11
№30 /699/

ТӨШӨӨ

ТӨРИЙН МЭДЭЭЛЭЛ

МОНГОЛ УЛСЫН ИХ ХУРЛЫН АЛБАН МЭДЭЭЛЭЛ

Монгол Улсын
Засгийн газрын
тогтоол

1341

Монгол Улсын
Засгийн газрын
тогтоол

1352

Үндэсний хөтөлбөр батлах
тухай

Удирдах хороо байгуулах
тухай

**ГАРЧИГ****МОНГОЛ УЛСЫН ЗАСГИЙН ГАЗРЫН ТОГТООЛ**

330.	Үндэсний хөтөлбөр батлах тухай	Дугаар 145	1341
331.	Ой тэмдэглэх тухай	Дугаар 172	1350
332.	Удирдах хороо байгуулах тухай	Дугаар 173	1352
333.	Тогтоолын хавсралтын зарим зүйлийг хүчингүй болгож нэмэлт оруулах тухай	Дугаар 176	1354

МОНГОЛ УЛСЫН ЗАСГИЙН ГАЗРЫН ТОГТООЛ

2011 оны 5 дугаар
сарын 3-ны өдөр

Дугаар 145

Улаанбаатар
хот

**Үндэсний хөтөлбөр батлах
тухай**

Харилцаа холбооны тухай хуулийн 5.1.1-д заасныг үндэслэн Монгол Улсын Засгийн газраас **ТОГТООХ** нь:

1. "Өндөр хурдны өргөн зурвасын сүлжээ үндэсний хөтөлбөр"-ийг хавсралт ёсоор баталсугай.

2. Өндөр хурдны өргөн зурвасын сүлжээ үндэсний хөтөлбөрийг хэрэгжүүлэх үйл ажиллагааны төлөвлөгөөг Үндэсний хөгжил, шинэтгэлийн хороотой хамтран боловсруулж, зохих журмын дагуу батлуулан хэрэгжилтийг улсын хэмжээнд удирдан зохион байгуулахыг Мэдээлэл, шуудан, харилцаа холбоо, технологийн газрын дарга Ж.Бат-Эрдэнэд даалгасугай.

3. Хөтөлбөрт тусгагдсан зорилт, арга хэмжээг хэрэгжүүлэхэд шаардагдах хөрөнгийг жил бүрийн эдийн засаг, нийгмийг хөгжүүлэх үндсэн чиглэл, тухайн жилийн төсвийн төсөлд тусгаж, хувийн хөрөнгө оруулалтыг татан оролцуулах, хандивлагч орон, олон улсын банк, санхүүгийн байгууллагын зээл, тусламжийн хөрөнгөөр санхүүжүүлэх арга хэмжээ авч ажиллахыг Сангийн сайд С.Баярцогт, Мэдээлэл, шуудан,



харилцаа холбоо, технологийн газрын дарга Ж.Бат-Эрдэнэ, Үндэсний хөгжил, шинэтгэлийн хорооны дарга Ч.Хашчулуун, Харилцаа холбооны зохицуулах хороо (Б.Болдбаатар)-нд даалгасугай.

**МОНГОЛ УЛСЫН
ЕРӨНХИЙ САЙД**

С.БАТБОЛД

**МОНГОЛ УЛСЫН САЙД,
ЗАСГИЙН ГАЗРЫН ХЭРЭГ
ЭРХЛЭХ ГАЗРЫН ДАРГА**

Ч.ХҮРЭЛБААТАР

Засгийн газрын 2011 оны 145 дугаар
тогтоолын хавсралт

ӨНДӨР ХУРДНЫ ӨРГӨН ЗУРВАСЫН СҮЛЖЭЭ ҮНДЭСНИЙ ХӨТӨЛБӨР

Нэг. Нийтлэг үндэслэл

Нэгдсэн Үндэстний Байгууллага (UN)-ын Олон улсын цахилгаан холбооны байгууллага (ITU) нь Мянганы хөгжлийн зорилт (MDG) болон Мэдээлэлжсэн нийгмийн дэлхийн дээд хэмжээний уулзалт (WSIS)-аас гаргасан зорилтыг амжилттай биелүүлэхэд гол хөдөлгүүр хэрэгсэл нь өндөр хурдны өргөн зурвасын мэдээллийн сүлжээ гэж үзэн 2010 онд өргөн зурвасын хороог (Broadband Commission) байгуулсан. Мэдээлэл, харилцаа холбоо, технологийн хөгжлийн өнөөгийн түвшин, үйлчилгээний хамрах хүрээ, хурд, улс орнуудын техник, технологи болон сүлжээний онцлог зэргээс хамаарч өргөн зурвасын хүртээмжийг (broadband access) улс орон бүр ялгаатайгаар тодорхойлдог.

Манай орны хувьд шинэ нэгдмэл технологи, интернэт протоколд суурилсан үйлчилгээний төрөл нэмэгдэж, түүнийг даган өндөр хурдны өргөн зурвасын сүлжээний дэд бүтцийн хэрэгцээ шаардлага нэмэгдэх юм. Харилцаа холбооны үндсэн сүлжээний цаашдын ашиглалт, чанарыг сайжруулах, хэрэглэгчдэд хандсан түгээх сүлжээг бий болгох, үндсэн сүлжээнд холбогдоогүй нутаг дэвсгэрийг сүлжээнд холбох, түүгээр дамжуулах үйлчилгээний нэр төрлийг нэмэгдүүлснээр аливаа улс орны эдийн засгийн үр өгөөж өсдөг нь олон улсын байгууллагуудын судалгаагаар батлагдсан байна.

Өнөөдөр манай оронд ялангуяа орон нутагт өндөр хурд шаардсан зарим технологи хараахан нэвтрээгүй, шинэ технологи, стандартын шилжилт хийгдээгүй байгаа бөгөөд ойрын хугацаанд технологийн шинэчлэлт хийгдэхэд одоогийн сүлжээний чадамж нь хангалтгүй байгаа юм.



Иймд өндөр хурдны өргөн зурвасын сүлжээг байгуулах, өргөтгөх, ашиглах, эзэмших, хөгжүүлэхэд хууль эрх зүй, бодлого зохицуулалтын таатай орчныг бүрдүүлэх, цаашид хийх арга хэмжээг нарийвчлан тодорхойлсон үндэсний хөтөлбөр боловсруулж хэрэгжүүлэх зайлшгүй шаардлага тулгарч байна.

"Монгол Улсын Мянганы хөгжлийн зорилгод суурилсан Үндэсний хөгжлийн цогц бодлого"-ын 5.3.4-т "Мэдээлэл, харилцаа холбооны технологийн хөгжлийн бодлогод газар, сансрын хосолсон өндөр хурдны өргөн зурвасын сүлжээ, интернэтийн дамжлага гарц 2-ыг бий болгоно, орон нутагт утасгүй холбооны системийг эрчимтэй хөгжүүлж, 2015 он гэхэд газар нутгийн 50 хүртэл хувийг зөвхөн газрын суурь сүлжээний тусламжтайгаар хамруулах" гэж, Засгийн газрын 2008-2012 оны үйл ажиллагааны хөтөлбөрийн 2.4.25-т "Мэдээлэл холбооны дэд бүтцийг өргөтгөн шинэчилж, мэдээлэл, харилцаа холбооны үйлчилгээг өргөжүүлж, өрх бүрт хүртээмжтэй болгоно" гэж заасан нь энэхүү хөтөлбөрийг боловсруулах үндэслэл болж байна.

Хоёр. Нэр томъёоны тодорхойлолт

Энэхүү хөтөлбөрт хэрэглэсэн дараахь нэр томъёог дор дурдсан утгаар ойлгоно:

2.1. "Өргөн зурвас" (Broadband) гэж өндөр хурдтай интернэтийн байнгын холболтод (always on) суурилсан гурвалсан үйлчилгээ, энэхүү үйлчилгээг дамжуулах өндөр чадамжтай сүлжээ бүхий технологийн нэгдлийг хэлнэ.

2.2. "Гурвалсан үйлчилгээ" (Triple play) гэж дуу, дүрс, өгөгдөл (интернэт, телевиз, телефон)-ийг нэг өргөн зурвасаар дамжуулахыг хэлнэ.

Гурав. Хөтөлбөрийн зорилго, зорилт

3.1. Энэхүү хөтөлбөрийн үндсэн зорилго нь Монгол Улсын нийт нутаг дэвсгэрийг хамарсан өндөр хурдны өргөн зурвасын сүлжээг өргөтгөн, өртөг багатай, олон төрөлт цогц үйлчилгээг төрийн байгууллага, аж ахуйн нэгж болон нийт айл өрхөд хүртээмжтэй, чанартай хүргэснээр улс орны эдийн засгийн өсөлт, хүн амын амьдралын түвшинг сайжруулахад дэмжлэг үзүүлэхэд оршино.

3.2. Энэхүү хөтөлбөрийн үндсэн зорилгын хүрээнд дараахь зорилтуудыг хэрэгжүүлнэ:

3.2.1. өндөр хурдны өргөн зурвасын сүлжээг хөгжүүлэх



хууль эрх зүй, бодлого зохицуулалт, бизнесийн таатай орчинг бүрдүүлэх;

3.2.2. хот, суурин газарт одоогийн ашиглаж байгаа өндөр хурдны өргөн зурвасын сүлжээний чадамж, чанарыг дээшлүүлэх, үйлчилгээний төрлийг нэмэгдүүлэх;

3.2.3. орон нутгийн хэрэглэгчдэд хандсан дэд бүтцийг бий болгох, сүлжээнд холбогдоогүй нутаг дэвсгэрт өндөр хурдны өргөн зурвасын сүлжээ, үйлчилгээг хүргэх;

3.2.4. өндөр хурдны өргөн зурвасын сүлжээний хэрэглээ, агуулгыг нэмэгдүүлэх;

3.2.5. технологийн нэгдэн нийлэлт, шинэ дэвшилтэт технологийн судалгаа шинжилгээний ажил гүйцэтгэх, үндэсний дунд хугацааны стратеги төлөвлөгөөг боловсруулж хэрэгжүүлэх.

Дөрөв. Хөтөлбөрийг хэрэгжүүлэх үндсэн зарчим

Хөтөлбөрийг хэрэгжүүлэхдээ дараахь үндсэн зарчмыг баримтална:

4.1. Өндөр хурдны өргөн зурвасын үндсэн сүлжээг байгуулах үйл ажиллагааг төрөөс дэмжих, төр, хувийн хэвшлийн түншлэлийн хамтын ажиллагаанд тулгуурлан хөгжүүлэх.

4.2. Өргөн зурвасын үйлчилгээний зах зээлд шударга өрсөлдөөнийг дэмжих.

4.3. Гадаад орны буцалтгүй тусламж, хөнгөлөлттэй зээлийг ашиглах, гадаад, дотоодын хөрөнгө оруулалтыг дэмжих.

4.4. Анслагдсан дүүрэг, орон нутагт шинээр эхэлж байгаа болон үйлчилгээгээ өргөтгөж байгаа үйлчилгээ эрхлэгчдэд зохих хөнгөлөлт, дэмжлэг үзүүлэх, ялангуяа үйлчилгээ хүргэх арилжааны нөхцөл нь эдийн засгийн үр ашиггүй байгаа тохиолдолд дамжуулах сүлжээний алдагдлыг бүх нийтийн үйлчилгээний үүргийн сан (БНҮҮС)-гаас нөхөх нөхцөлийг бүрдүүлэх.

4.5. Орон нутгийн иргэдэд зориулсан нийтийн хэрэглээний орчинг бий болгох.

4.6. Үндсэн сүлжээний ашиглалтыг сайжруулах, хөрөнгө оруулалтын үр ашгийг нэмэгдүүлэх, бизнесийн таатай орчинг бүрдүүлэх.



4.7. Олон улсын тодорхой нэг шугам сүлжээнээс хамааралтай байх нөхцөлийг багасгах.

4.8. Мэдээллийн технологийн чиглэлээр хэрэгжүүлж байгаа төсөл, хөтөлбөрийн салбар хоорондын уялдааг хангах.

Тав. Хөтөлбөрийг хэрэгжүүлэх үйл ажиллагаа

Хөтөлбөрийн зорилтын хүрээнд дараахь үйл ажиллагааг хэрэгжүүлнэ:

5.1. Өндөр хурдны өргөн зурвасын сүлжээний бодлогын хэрэгжилтийг хангах хууль эрх зүй, бодлого зохицуулалт, бизнесийн таатай орчинг бүрдүүлэх нэгдүгээр зорилтын хүрээнд дараахь үйл ажиллагааг хэрэгжүүлнэ:

5.1.1. мэдээлэл, харилцаа холбооны сүлжээг байгуулах, өргөтгөх, ашиглах, шинэ технологи нэвтрүүлэх талаар баримтлах бодлого боловсруулж зохих журмын дагуу батлуулах;

5.1.2. харилцаа холбооны сүлжээг үр ашигтай, тэгш эрхтэйгээр ашиглуулах, салбарт өрсөлдөөн бий болгох, түүнчлэн үр ашигтай шударга өрсөлдөх нөхцөлийг бүрдүүлэх чиглэлээр эрх зүйн орчинг боловсронгуй болгож, мөрдөгдөж байгаа хууль тогтоомж, бодлого зохицуулалтын хэрэгжилтэд үнэлэлт, дүгнэлт өгч, шаардлагатай тохиолдолд шинэчлэх;

5.1.3. хүн амын орлогын түвшинтэй уялдуулан өндөр хурдны өргөн зурвасын үйлчилгээний төлбөрт зохицуулалт хийх;

5.1.4. харилцаа холбооны тусгай зөвшөөрөл олгох асуудлын бодлого зохицуулалтад хяналт-шинжилгээ хийж, санал зөвлөмж гаргах, тусгай зөвшөөрлийн (unified license) нэгдсэн тогтолцоонд шилжих суурь судалгаа хийх, энэ талаар олон улсын туршлага судлах, шаардлагатай тохиолдолд холбогдох дүрэм журмыг шинэчлэн батлуулах;

5.1.5. төрийн өмчийн үндсэн сүлжээнд үр ашигтай хөрөнгө оруулалт хийх үйл ажиллагааг дэмжих, үндсэн сүлжээг өргөтгөхөд зориулан авсан зээлийн үр ашгийг нэмэгдүүлэх арга хэмжээ авах;

5.1.6. өндөр хурдны өргөн зурвасын үндсэн сүлжээ болон түгээх сүлжээний зохицуулалтын журам, нөхцөл шаардлагыг тодорхойлох (хот, хөдөөд);

5.1.7. интернэтийн үйлчилгээ эрхлэгчдийн сүлжээ,



үйлчилгээний чанарын үзүүлэлтийг шинэчлэн тогтоох, хяналтын тогтолцоог бүрдүүлэх;

5.1.8. хот төлөвлөлт болон барилгажилтын үйл ажиллагаанд мэдээлэл, харилцаа холбооны дэд бүтцийг бий болгох, ашиглах, техникийн норм норматив, стандартыг тогтоож мөрдүүлэх;

5.1.9. интернэтэд суурилсан өгөгдөл, мэдээллийн трафикийг нэмэгдүүлэх болон дотоодын харилцан холболтыг дэмжих бодлого зохицуулалтын таатай орчин бүрдүүлэх;

5.1.10. радио давтамжийн зурвас ашиглалтын талаархи бодлого боловсруулах, радио давтамжийн төлөвлөгөөний хэрэгжилтэд хяналт-шинжилгээ хийж, санал зөвлөмж гаргах, хөдөлгөөнт болон утасгүй өргөн зурвасын шинэ технологи, үйлчилгээнд зориулж давтамжийг чөлөөлөх, дахин хуваарилалт хийх.

5.2. Хот, суурин газарт одоогийн ашиглаж байгаа өндөр хурдны өргөн зурвасын сүлжээний чадамж, чанарыг дээшлүүлэх, үйлчилгээний төрлийг нэмэгдүүлэх хоёрдугаар зорилтын хүрээнд дараахь үйл ажиллагааг хэрэгжүүлнэ:

5.2.1. Улаанбаатар хотын гол болон салбар сувагчлалыг засварлах, өргөтгөх;

5.2.2. эрүүл мэнд, боловсролын байгууллагын сүлжээний хурдыг зохих түвшинд хүргэж чанарыг сайжруулах, сүлжээний өргөтгөл хийх шаардлагатай тоног тохөөрөмжийг шинэчлэх;

5.2.3. томоохон суурин газар (уурхай, хилийн боомт, чөлөөт бүс гэх мэт) хамарсан өндөр хурдны өргөн зурвасын сүлжээ байгуулах, цогц удирдлага, хяналтын систем хөгжүүлэх;

5.2.4. хот, суурин газрын томоохон барилга байгууламж, орон сууцны хороололд өндөр хурдны өргөн зурвасын сүлжээ байгуулахад шилэн кабелийн технологийг түлхүү нэвтрүүлэх (FTTH, FTTB, FTTC гэх мэт);

5.2.5. Улаанбаатар хотын гэр хороолол, алслагдсан дүүргийн түгээх сүлжээнд утасгүй болон хөдөлгөөнт технологийг түлхүү нэвтрүүлэх (WiFi, WiMAX, 3G, 4G гэх мэт), хувийн хөрөнгө оруулалтаар дэд бүтэц байгуулахыг дэмжих, тусгай зөвшөөрөл эзэмшигчтэй байгуулах гэрээнд тусгах;

5.2.6. олон нийтийн үйлчилгээний газарт утасгүй интернэтийн орчинг нэвтрүүлэх ажлыг зохион байгуулах;



5.2.7. өндөр хурдны өргөн зурвасын сүлжээнд холбогдсон барилга байгууламж, орон сууцны хороололд сертификат олгох ажлыг нэвтрүүлэн, сургалт сурталчилгаа явуулах.

5.3. Орон нутгийн хэрэглэгчдэд хандсан дэд бүтцийг бий болгох, сүлжээнд холбогдоогүй нутаг дэвсгэрт өндөр хурдны өргөн зурвасын сүлжээ, үйлчилгээг хүргэх гуравдугаар зорилтын хүрээнд дараахь үйл ажиллагааг хэрэгжүүлнэ:

5.3.1. аймгийн төв болон сумдад IP/MPLS технологид суурилсан өндөр хурдны сүлжээ байгуулахад шаардлагатай тоног төхөөрөмжийн шинэчлэлт хийх;

5.3.2. аймгийн төв болон Замын-Үүдийг холбосон DWDM технологид суурилсан өндөр хурдны өргөн зурвасын дамжуулах сүлжээ байгуулахад шаардлагатай тоног төхөөрөмжийн шинэчлэлт хийх;

5.3.3. шилэн кабелийн үндсэн сүлжээнд холбогдоогүй сумдад сүлжээний өргөтгөл хийх;

5.3.4. шилэн кабелийн сүлжээнд холбогдсон сумдад түгээх сүлжээг байгуулах, төрийн байгууллага, сургууль, эмнэлгийг өндөр хурдны өргөн зурвасын сүлжээ, үйлчилгээгээр хангах, туршилтын төсөл хэрэгжүүлэх;

5.3.5. орон нутагт утасгүй болон хөдөлгөөнт өргөн зурвасын технологийг түлхүү хөгжүүлэхэд (WiFi, WiMAX, 3G, 4G гэх мэт) хувийн хөрөнгө оруулалтыг дэмжих, тусгай зөвшөөрөл эзэмшигчтэй байгуулах гэрээнд тусгах;

5.3.6. алслагдсан орон нутагт өндөр хурдны өргөн зурвасын үйлчилгээ хүргэх үр дүнтэй технологийн шийдлийг тодорхойлж холбогдох төсөл хэрэгжүүлэх;

5.3.7. орон нутагт интернэт протоколд суурилсан үйлчилгээг хөгжүүлэх, гурвалсан үйлчилгээг нэвтрүүлэх.

5.4. Өндөр хурдны өргөн зурвасын сүлжээний хэрэглээ, агуулгыг нэмэгдүүлэх дөрөвдүгээр зорилтын хүрээнд дараахь үйл ажиллагааг хэрэгжүүлнэ:

5.4.1. төрийн болон боловсрол, эрүүл мэндийн байгууллагын цахим хэрэглээг нэмэгдүүлэх, түүгээр дамжуулан иргэдэд өргөн зурвасын сүлжээнд суурилсан цахим үйлчилгээг түргэн шуурхай



хүргэх тогтолцоог бүрдүүлэх;

5.4.2. иргэдийн цахим хэрэглээг нэмэгдүүлэх зорилгоор сургалт сурталчилгаа зохион байгуулах;

5.4.3. аймаг, сумын захиргааны байгууллагад цахим засаглалын хэрэглээг нэмэгдүүлэх;

5.4.4. төрийн байгууллагын мэдээлэл, харилцаа холбооны үйлчилгээнд зарцуулах хөрөнгийн хэмжээг бодитойгоор үе шаттай нэмэгдүүлэх;

5.4.5. өндөр хурдны өргөн зурвасын сүлжээг ашиглан интернэт протоколд суурилсан өргөн нэвтрүүлэг хийх боломжийг нээх, өргөн нэвтрүүлгийн монгол контентын багтаамжийг нэмэгдүүлэх;

5.4.6. монгол контентыг нэмэгдүүлэх, контентыг Монголын нөхцөл байдалд тохируулан нутагшуулах, бизнес эрхлэгчдийн энэ чиглэлээр явуулж байгаа үйл ажиллагаанд хяналт тавих, төрөөс зохих дэмжлэг үзүүлэх;

5.4.7. интернэтэд суурилсан өгөгдөл, мэдээллийн дотоод трафикийг нэмэгдүүлэх болон дотоодын харилцан холболтыг дэмжих, бизнесийн орчинг бүрдүүлэх, шаардлагатай тоног төхөөрөмжийн шинэчлэлт хийх;

5.4.8. үндэсний порталыг хөгжүүлэх, гадаад болон дотоодын вэбийг дотоодын сервер дээр байршуулахыг дэмжих, шаардлагатай тоног төхөөрөмжийг "Үндэсний дата төв"-д суурилуулах.

5.5. Технологийн нэгдэн нийлэлт, шинэ дэвшилтэт технологийн судалгаа, шинжилгээний ажил гүйцэтгэх, үндэсний дунд хугацааны стратеги, төлөвлөгөөг боловсруулах таадугаар зорилтын хүрээнд дараахь үйл ажиллагааг хэрэгжүүлнэ:

5.5.1. Монгол Улсын нутаг дэвсгэрт харилцаа холбооны сүлжээний үйлчилгээ эрхлэгчдийн бизнесийн үйл ажиллагаа, үнэ тариф, үйлчилгээ, хамрах хүрээ, сүлжээ төлөвлөлтийн нөхцөл байдлын талаархи судалгааг тогтмол хийж, үнэлэлт өгөх;

5.5.2. интернэтийн гадаад болон дотоод урсгалын түгээлт, хэрэглээнд шинжилгээ хийх, үндэсний хэмжээнд трафик менежментийн судалгааны ажлыг тогтмол хийж, санал зөвлөмж боловсруулах;



5.5.3. төрийн өмчийн үндсэн сүлжээг өргөтгөн хөгжүүлэх стратеги төлөвлөгөөнд холбогдох тооцоо, үнэлгээ, дүн шинжилгээ хийх, судалгаан дээр үндэслэн интернэт протоколд суурилсан дараа үеийн сүлжээний бүтцийн төлөвлөлт боловсруулах, шаардлагатай тоног төхөөрөмжийн шинэчлэлт хийх;

5.5.4. интернэтийн олон улсын транзит урсгалыг олон гарцаар дамжин өнгөрүүлэх нөхцөлийг нэмэгдүүлэх техник, эдийн засгийн үндэслэл боловсруулах;

5.5.5. өндөр хурдны өргөн зурвасын сүлжээгээр дамжуулан тэргүүлэх салбарыг хөгжүүлэх, үндэсний хөгжлийн стратегитэй уялдуулах судалгааны ажлыг гүйцэтгэх, төсөл хэрэгжүүлэх;

5.5.6. өндөр хурдны өргөн зурвасын үйлчилгээг хүртээмжтэй хүргэх утасгүй, үүрэн болон хөдөлгөөнт холбооны шинэ технологийн шийдлийг дэмжих бодлогын чиглэл, шилжилтийн стратеги төлөвлөлт боловсруулж, нэвтрүүлэх арга хэмжээ авах;

5.5.7. интернэт протоколын хувилбар-4 (IPv4)-өөс дараа үеийн интернэт протоколын хувилбар-6 (IPv6)-д шилжих стратеги төлөвлөлт боловсруулах, зөвлөн дэд бүтэц бий болгох.

Зургаа. Хөтөлбөрийн хамрах хүрээ, хэрэгжүүлэх хугацаа, хүрэх үр дүн, санхүүжилт

6.1. Хөтөлбөрийг Монгол Улсын хэмжээнд хэрэгжүүлнэ.

6.2. Хөтөлбөрийг 2011-2015 онд хэрэгжүүлнэ.

6.3. Хөтөлбөрийн зорилтыг ханган хэрэгжүүлсний үр дүнд 2015 онд дараахь түвшинд хүрсэн байна:

6.3.1. Монгол Улсад өндөр хурдны өргөн зурвасын сүлжээг байгуулах, ашиглах, хөгжүүлэх хууль эрх зүй, бодлого зохицуулалт, бизнесийн таатай орчин бүрдэнэ;

6.3.2. Монгол Улсын өргөн зурвасын хөгжлийн түвшин нь (хурд, үнэ, хүн амын хэрэглээ) дэлхийн дундаж буюу түүнээс дээш байна;

6.3.3. хот, суурин газрын төрийн болон эрүүл мэнд, боловсролын байгууллагын 90-ээс доошгүй хувь нь өндөр хурдны өргөн зурвасын сүлжээнд холбогдсон байна;



6.3.4. нийт айл өрхийн 50-иас доошгүй хувь нь гурвалсан үйлчилгээг хамгийн боломжит доод үнээр ашиглах боломжоор хангагдсан байна;

6.3.5. алслагдсан хороолол, суурингийн нийт айл өрхийн 40-өөс дээш хувь нь утасгүй өргөн зурвасын үйлчилгээ авах боломжоор хангагдсан байна.

6.4. Хөтөлбөрийн санхүүжилт дараахь эх үүсвэрээс бүрдэнэ:

6.4.1. улсын төсвийн хөрөнгө;

6.4.2. хувийн хэвшлийн хөрөнгө оруулалт;

6.4.3. гадаадын зээл, тусламж;

6.4.4. бүх нийтийн үйлчилгээний үүргийн сангийн хөрөнгө;

6.4.5. бусад.

Долоо. Удирдлага, хяналт-шинжилгээ, үнэлгээ

7.1. Мэдээлэл, шуудан, харилцаа холбоо, технологийн газар нь хөтөлбөрийн хэрэгжилтэд хяналт тавин, хяналт-шинжилгээ, үнэлгээ хийж, хэрэгжүүлэгч байгууллагуудын үйл ажиллагааг уялдуулж зохицуулна.

7.2. Хөтөлбөрийг хэрэгжүүлэхэд гадаад хамтын ажиллагааг дэмжиж, олон улсын байгууллага, гадаадын мэргэжилтний зөвлөлгөө авч, үнэлгээ дүгнэлт хийнэ.

7.3. Мэдээлэл, шуудан, харилцаа холбоо, технологийн газар нь хөтөлбөрийн хэрэгжилтийн явц, дүнг жил бүрийн I улиралд багтаан Засгийн газарт танилцуулж байна.

МОНГОЛ УЛСЫН ЗАСГИЙН ГАЗРЫН ТОГТООЛ

2011 оны 6 дугаар
сарын 8-ны өдөр

Дугаар 172

Улаанбаатар
хот

Ой тэмдэглэх тухай

Монгол Улсын Засгийн газраас ТОГТООХ нь:

1. Монгол Улсын Хөдөлмөрийн Бэлтгэл, Төрийн Шалгалт, Шийлэх ухааны гавъяат зүтгэлтэн, академич Б.Ширэндэвийн мэндэлсний 100



жилийн ойг 2012 онд тэмдэглэсүгэй.

2. Ойн арга хэмжээг зохион байгуулах комиссын бүрэлдэхүүнийг хавсралтаар баталсугай.

3. Ойн арга хэмжээнд шаардагдах 186 200 000 (нэг зуун наян зургаан сая хоёр зуун мянган) төгрөгийг 2012 оны улсын төсөвт тусгахыг Сангийн сайд С.Баярцогтод даалгасугай.

3. Б.Ширэндэвийн мэндэлсний 100 жилийн ойд бэлтгэх, тэмдэглэн өнгөрүүлэх арга хэмжээний төлөвлөгөөг батлан хэрэгжүүлэхийг Зохион байгуулах комисс (Ё.Отгонбаяр)-т даалгасугай.

**МОНГОЛ УЛСЫН
ЕРӨНХИЙ САЙД**

С.БАТБОЛД

**БОЛОВСРОЛ, СОЁЛ, ШИНЖЛЭХ
УХААНЫ САЙД**

Ё.ОТГОНБАЯР

САНГИЙН САЙД

С.БАЯРЦОГТ

Засгийн газрын 2011 оны 172 дугаар
тогтоолын хавсралт

**МОНГОЛ УЛСЫН ХӨДӨЛМӨРИЙН БААТАР,
ТӨРИЙН ШАГНАЛТ, ШИНЖЛЭХ УХААНЫ ГАВЪЯАТ
ЗҮТГЭЛТЭН, АКАДЕМИЧ Б.ШИРЭНДЭВИЙН МЭНДЭЛСНИЙ
100 ЖИЛИЙН ОЙГ ЗОХИОН БАЙГУУЛАХ КОМИССЫН
БҮРЭЛДЭХҮҮН**

Комиссын дарга -Боловсрол, соёл, шинжлэх ухааны сайд Ё.Отгонбаяр

Орлогч дарга -Шинжлэх ухааны академийн ерөнхийлөгч
Б.Энхтүвшин

Гишүүд: -Улсын Их Хурлын гишүүн С.Баяр (зөвшилцсөнөөр)

-Улсын Их Хурлын гишүүн Ө.Энхтүвшин;

-Гадаад харилцааны яамны Төрийн нарийн бичгийн
дарга Д.Цогтбаатар;



- Нийслэлийн Засаг дарга бөгөөд Улаанбаатар хотын захирагч Г.Мөнхбаяр;
 - Хөвсгөл аймгийн Засаг дарга Л.Цэрэнжав;
 - Архангай аймгийн Засаг дарга Ё.Баатарбилэг;
 - Үндэсний архивын газрын дарга Д.Өлзийбаатар;
 - Монгол Улсын Их сургуулийн ректор С.Төмөр-Очир;
 - ЮНЕСКО-гийн Монголын үндэсний комиссын Ерөнхий нарийн бичгийн дарга Д.Далайжаргал;
 - Олон улсын Монгол судлалын холбооны Ерөнхий нарийн бичгийн дарга Ш.Бира;
 - ШУА-ийн Физик-технологийн хүрээлэнгийн захирал Б.Чадраа.
- Нарийн бичгийн дарга -Боловсрол, соёл, шинжлэх ухааны яамны мэргэжилтэн Б.Лхагвадорж

МОНГОЛ УЛСЫН ЗАСГИЙН ГАЗРЫН ТОГТООЛ

2011 оны 6 дугаар
сарын 8-ны өдөр

Дугаар 173

Улаанбаатар
хот

Удирдах хороо байгуулах тухай

Төрөөс гадаад худалдааны талаар баримтлах бодлогыг үндэслэн Монгол Улсын Засгийн газраас ТОГТООХ нь:

1. "Гадаад худалдааг хөнгөвчлөх Үндэсний цахим нэг цонх"-ны системийг бий болгон хэрэгжүүлэх ажлыг удирдан зохион байгуулах үүрэг бүхий Удирдах хорооны бүрэлдэхүүнийг хавсралт ёсоор баталсугай.

2. Удирдах хороог мэдээлэл, мэргэжлийн арга зүйгээр хангах ажлыг хариуцан гүйцэтгэх орон тооны ажлын албыг Гаалийн ерөнхий газрын бэтлэгдсэн орон тооны хязгаарт багтаан байгуулан дүрэм, үйл ажиллагааны төлөвлөгөөг батлан ажиллуулахыг Сангийн сайд С.Баярцогт, Гадаад харилцааны сайд Г.Занданшатар нарт тус тус даалгасугай.



3. "Гадаад худалдааг хөнгөвчлөх Үндэсний цахим нэг цонх"-ны системийг хэрэгжүүлэх үйл явцыг зохицуулах үндэсний зохицуулагч байгууллагаар Гаалийн ерөнхий газар, Монголын Үндэсний худалдаа, аж үйлдвэрийн танхимыг томилсугай.

МОНГОЛ УЛСЫН
ЕРӨНХИЙ САЙД

С.БАТБОЛД

САНГИЙН САЙД

С.БАЯРЦОГТ

Засгийн газрын 2011 оны 173 дугаар
тогтоолын хавсралт

**"ГАДААД ХУДАЛДААГ ХӨНГӨВЧЛӨХ ҮНДЭСНИЙ ЦАХИМ
НЭГ ЦОНХ"-НЫ СИСТЕМИЙГ БИЙ БОЛГОН ХЭРЭГЖҮҮЛЭХ
АЖЛЫГ УДИРДАХ ХОРООНЫ БҮРЭЛДЭХҮҮН**

Дарга	-Гадаад харилцааны сайд
Нарийн бичгийн дарга:	-Гаалийн ерөнхий газрын дарга; -Монголын Үндэсний худалдаа, аж үйлдвэрийн танхимын дарга.
Гишүүд:	-Сангийн яамны Төрийн нарийн бичгийн дарга; -Хууль зүй, дотоод хэргийн яамны Төрийн нарийн бичгийн дарга; -Байгаль орчин, аялал жуулчлалын яамны Төрийн нарийн бичгийн дарга; -Боловсрол, соёл, шинжлэх ухааны яамны Төрийн нарийн бичгийн дарга; -Зам, тээвэр, барилга, хот байгуулалтын яамны Төрийн нарийн бичгийн дарга; -Хүнс, хөдөө аж ахуй, хөнгөн үйлдвэрийн яамны Төрийн нарийн бичгийн дарга; -Эрүүл мэндийн яамны Төрийн нарийн бичгийн дарга;



- Мэдээлэл, шуудан, харилцаа холбоо, технологийн газрын дарга;
- Мэргэжлийн хяналтын ерөнхий газрын дарга;
- Хил хамгаалах ерөнхий газрын дарга;
- Үндэсний хөгжил, шинэтгэлийн хорооны дарга;
- Татварын ерөнхий газрын дарга;
- Стандартчилал, хэмжил зүйн газрын дарга;
- Үндэсний статистикийн хорооны дэд дарга (зөвшилцсөнөөр);
- Монголбанкны дэд ерөнхийлөгч (зөвшилцсөнөөр).

МОНГОЛ УЛСЫН ЗАСГИЙН ГАЗРЫН ТОГТООЛ

2011 оны 6 дугаар
сарын 8-ны өдөр

Дугаар 176

Улаанбаатар
хот

Тогтоолын хавсралтын зарим зүйлийг хүчингүй болгож нэмэлт оруулах тухай

Химийн хорт болон аюултай бодисын тухай хуулийн 6.4-т заасныг үндэслэн Монгол Улсын Засгийн газраас ТОГТООХ нь:

1. "Жагсаалт батлах тухай" Засгийн газрын 2007 оны 4 дүгээр сарын 11-ний өдрийн 95 дугаар тогтоолын 2 дугаар хавсралтаар баталсан "Монгол Улсад ашиглахыг хязгаарласан химийн хорт болон аюултай бодисын жагсаалт"-д дор дурдсан агуулга бүхий "30" дахь заалтыг нэмсүгэй:

30	Бүх төрлийн асбест (шөрмөсөн чулуу)	Asbestos			Дулаан тусгаарлах, галаас хамгаалах болон нягтруулах, битүүмжлэх зэрэг олон төрлийн зориулалтаар, мөн асбестан утас, хавтан, хоолой, тоног төхөөрөмж, машины үйлдвэрлэлд, ундаа, эмийн үйлдвэрт шүүгч материал	Нүд, амьсгалын замын эрхтэн, системийг гэмтээж, хорт хавдар үүсгэнэ
	Амфиболууд:	Amphibole forms:	1332-21-4			
	-Актинолит	-Actinolite ($\text{Ca}_2(\text{Mg},\text{Fe})_7\text{Si}_8\text{O}_{22}(\text{OH})_2$)	77536-66-4			
	-Антофиллит	-Anthophyllite ($\text{Mg}_3\text{Si}_8\text{O}_{22}(\text{OH})_2$)	77536-67-5			
	-Амосит	-Amosite ($(\text{Fe},\text{Mg})_7\text{Si}_8\text{O}_{22}(\text{OH})_2$)	12172-73-5			
	-Крокидолит	-Crocidolite ($\text{Mg}_3\text{Si}_2\text{O}_5(\text{OH})_4$)	12001-28-4			
	-Тремолит	-Tremolite ($\text{Ca}_2\text{Mg}_5\text{Si}_8\text{O}_{22}(\text{OH})_2$)	77536-68-6			



2. Асбест болон асбестан бүтээгдэхүүний импортод тавигдах хилийн мэргэжлийн болон гаалийн хяналтыг сайжруулж ажиллахыг Мэргэжлийн хяналтын ерөнхий газрын дарга Р.Содхүү, Гаалийн ерөнхий газрын дарга Д.Цэвээнжав нарт үүрэг болгосугай.

3. Асбестын хэрэглээг үе шаттайгаар хязгаарлаж, ашиглалтаас гарсан материалыг хүний эрүүл мэнд, байгаль орчинд халгүй аргаар цуглуулан устгах арга хэмжээ авч ажиллахыг Эрдэс баялаг, эрчим хүчний сайд Д.Зоригт, Зам, тээвэр, барилга, хот байгуулалтын сайд Х.Баттулга, Байгаль орчин, аялал жуулчлалын сайд Л.Гансүх нарт тус тус үүрэг болгосугай.

4. Энэ тогтоол гарсантай холбогдуулан "Жагсаалт батлах тухай" Засгийн газрын 2007 оны 4 дүгээр сарын 11-ний өдрийн 95 дугаар тогтоолын 1 дүгээр хавсралтаар баталсан "Монгол Улсад ашиглахыг хориглосон химийн хорт болон аюултай бодисын жагсаалт"-ын "84" дэх заалтыг хүчингүй болсонд тооцсугай.

**МОНГОЛ УЛСЫН
ЕРӨНХИЙ САЙД**

С.БАТБОЛД

**ЭРДЭС БАЯЛАГ,
ЭРЧИМ ХҮЧНИЙ САЙД**

Д.ЗОРИГТ

Ханг:

"Төрийн мэдээлэл" эмхтгэлийн редакци,


Улаанбаатар-12, Төрийн ордон 124 тоот

И-мэйл: turiin_medeelal@parliament.mn

Утас: 262420, 329612

Хэвлэлийн хуудас 1

Индекс: 14003



Улсын Их Хурлын Тамгын газрын хэвлэх хэсэгт хэвлэв.
Утас 329487